

مڈھلی گل

زیر نظر مقالے دی تکمیل رب سوہنے دے احسانات دی اک کڑی اے۔ گورنمنٹ کالج یونیورسٹی لاہور اک اجہبا ادارہ اے جتھے حیاتی دے ہر شعبہ نال تعلق رکھن والیاں ممتاز تے معروف شخصیتاں وابستہ رہیاں۔ میں سرگودھا یونیورسٹی توں ایم اے (پنجابی) 2016-18ء مکمل کیتا۔ ایم فل کرن دی لگن سی، میرے ڈیپارٹمنٹ دے ایچ۔ او۔ ڈی ڈاکٹر منیر گجر ہوراں دی شفقت کہ اوہناں میرے لئی ایہہ ادارہ چنیا۔ چنگے بھاگیں اودوں ای گورنمنٹ کالج لاہور وچ پروفیسر ڈاکٹر سعید خاور ہوراں دیاں کوششاں نال ایم فل (پنجابی) دا آغاز ہويا۔ ایم فل دا آغاز ہون توں بعد دو سمسٹر گزرے، پتہ ہی نہ لکيا۔ مقالہ لکھن دا ویلا آیا تے مقالہ دے موضوع دا انتخاب کرن وچ میری نگران میڈم شبنم ہوراں مدد کیتی۔ مینوں ایس پاروں خوشی سی کہ میں اپنے علاقے دے صوفی شاعر بارے تحقیقی مقالہ لکھنا سی۔

مواد لکھن ویلے میری سبھ توں زیادہ مدد سید فرخ جنید شاہ ہوراں کیتی جیہدی وجہ توں اوہناں دا ودھ توں ودھ شکریہ ادا کرنی آں۔

محترم استاد ڈاکٹر ظہیر وٹو ہوراں دی راہنمائی نال مقالہ نوں 6 باباں وچ تقسیم کیتا گیا۔

پہلا باب ”ہمی شاہ ہوراں دی حیاتی تے حالات واقعات“ وچ حیاتی بارے دسیا اے جیہڑی اوہناں دے گھر والیاں تے مریدین توں لکھی۔

دوجا باب ”ہیر ادب دی ریت ہمی شاہ تیکر“ وچ ہیر دا تاریخی پچھو کڑ دسیا گیا اے۔

تیجا باب ”ہیر ہمی شاہ دا ویروا“ وچ اوہناں دی لکھی ہیر ول جھات ماری گئی اے۔

چوتھا باب ”کافیاں دی ریت ہمی شاہ تیکر“ وچ کافی دے مڈھ تے لکھاریاں بارے گل بات کیتی گئی اے۔

پنجواں باب ”کافیاں ہی شاہ دا ویروا“ وچ ہی شاہ ہوراں دیاں کافیاں دا ویروا کیتا گیا اے۔

چھیواں باب ”ہی شاہ دی پھنکل شاعری“ وچ اوہناں دا اوہ کلام جیہڑا حالے تیکر چھاپے نہیں چڑھیا، پڑچولیا گیا اے۔
مقالہ لکھن دی حالے تیاری چل رہی سی تے سانوں عالمی وبا دا سامنا کرنا پیا۔ کرونا وائرس Covid 19 دی وجہ توں پوری دنیا وچ لاک ڈاؤن لکیتے پاکستان وچ وی مارچ 2020ء نوں ایس لاک ڈاؤن دا آغاز ہويا جیہدی وجہ توں ہک واری سارے تعلیمی ادارے لائبریریاں نوں بند کر دتے گئے۔ جدوں ایس وبا اُتے تھوڑا قابو پایا گیا تے تعلیمی ادارے دوبارہ کھلے۔ سانوں وی ہور ویلا مل گیا۔ کم دا آغاز دوبارہ کیتا۔ بڑیاں اوکڑاں پیش آئیاں۔ انج گلداسی ایم فل پورا نہیں ہونا۔ میں نگران ڈاکٹر شبنم اسحاق ہوراں دی مشکور آں جیہناں مینوں بہت حوصلہ دویا تے کم دا آغاز کروایا۔ میں اوہناں نوں بہت تنگ کیتا کیوں جے کوئی گل سمجھنا تے یاد رکھنا میرے لئی بہت اوکھا سی۔ ایس مقالہ نوں توڑ چارھن دے وچ میں جیہناں ہستیاں دا شکریہ ادا کرنا چاہی آں اوہدے وچ ساڈے صدر شعبہ پروفیسر ڈاکٹر سعید خاور بھٹا، ڈاکٹر ظہیر حسن وٹو، ڈاکٹر محمود الحسن بزمی، ڈاکٹر شبنم اسحاق صاحبہ نیں جیہناں دی راہنمائی نال میں مقالہ مکمل کیتا۔

کسے وی مقالے دی تیاری لائبریری دی فراہمی توں بغیر ممکن نہیں۔ میں بہتی سرگودھا یونیورسٹی دے پنجابی ڈیپارٹمنٹ دی لائبریری استعمال کیتی تے ڈاکٹر منیر گجر، سروی انجم ہوراں مینوں کجھ اپنیاں ذاتی کتاباں وی دتیاں۔ جی سی یونیورسٹی دے لائبریری سٹاف جیہدے وچ چیف لائبریرین محمد نعیم، عمر رانا تے باقی سبھناں دی وی مشکور آں جیہناں نے ہمیشہ ساڈی مدد کیتی۔ عبدالحفیظ صاحب دی وی شکر گزار آں جیہناں میرا مقالہ کیپوز کیتا تے اوس اندر بہت شیواں بارے راہنمائی کیتی۔

رب سوہنے دے فضل نال میں اپنا ایم فل مقالہ مکمل کیتا جیہدے اندر میری امی، میریاں بھیناں، استادان دی شفقت شامل اے۔ میرے دوست ام سلمیٰ، بھائی الیاس، سارہ میرے نال ہر قدم تے رہے۔ ایس مقالہ دی تکمیل ایہناں سبھاں دی دعاواں دا سہ اے۔

ایہہ مقالہ میری طالب علمانہ جہی کاوش اے۔ ایس موضوع اُتے پہلی واری کم کیتا گیا اے تے ایس موضوع راہیں اپنے وسیب دی ذریعہ اُگھاڑن دا چھوٹا جیہا جتن کیتا اے۔ ایس اندر بہت سارے وادھے گھاٹے ہون گئے۔ ساڈے کولوں جو بنیا حاضر اے۔ مقالہ تہاڈے ہتھ اے۔ ایس دے چنگ مند دا نتارا تاں کرنا۔

مافیہ جعفری